



**Նախագահ
Հենրի Բ. Այրիսզ**
Առաջին Նախագահության
Առաջին Խորհրդակալ

Երախտապարտ լինելու ընտրությունը

Մեր Երկնային Հայրը մեզ պատվիրում է ամեն բանի մեջ գոհանալ (տես Ա Թեսաղոնիկեցիս Ե.18), և Նա ուզում է, որ մենք շնորհակալություն հայտնենք մեր ստացած օրհնությունների համար (տես ՎևՈՒ 46.32): Մենք գիտենք, որ Նրա բոլոր պատվիրանները նախատեսված են մեզ երջանիկ դարձնելու համար, ինչպես նաև գիտենք, որ պատվիրանները չպահելը տանում է դեպի թշվառություն:

Ուստի, երջանիկ լինելու և թշվառությունից խուսափելու համար մենք պետք է ունենանք երախտապարտ սիրտ: Մեր կյանքում մենք տեսել ենք կապը երախտագիտության և երջանկության միջև: Մենք բոլորս էլ կցանկանանք երախտագիտության զգացողություն ունենալ, այնուամենայնիվ հեշտ չէ կյանքի փորձություններում մշտապես երախտապարտ լինել բոլոր բաներում: Ժամանակ առ ժամանակ հիվանդությունը, հիասթափությունը և մեր սիրելի մարդկանց կորուստը այցելում են մեզ մեր կյանքում: Մեր վշտերը դժվարացնում են տեսնելը մեր օրհնությունները և երախտապարտ լինելն օրհնությունների համար, որոնք Աստված ունի պահված մեզ համար ապագայում:

Դժվար է հաշվել մեր օրհնությունները, քանի որ մենք հակված ենք չգնահատել լավ բաները: Երբ մենք կորցնում ենք տանիքը մեր գլխավերևում,

ուտելիքը կամ ընկերների և ընտանիքի ջերմությունը, մենք հասկանում ենք, թե որքան երախտապարտ մենք պետք է լինեինք, երբ ունեինք դրանք:

Երբեմն ամենից շատ մեզ համար դժվար է բավականաչափ երախտապարտ լինել ամենամեծ պարգևների համար, որ մենք ստանում ենք՝ Հիսուս Քրիստոսի ծնունդի, Նրա Քավության, հարության խոստովի, մեր ընտանիքների հետ հավերժական կյանքը վայելելու հնարավորության, քահանայության և դրա բանալիների հետ միասին ավետարանի վերականգնման համար: Միայն Մուրբ Հոգու օգնությամբ մենք կարող ենք սկսել զգալ, թե ինչ նշանակություն ունեն այդ օրհնությունները մեր և նրանց համար, ում մենք սիրում ենք: Եվ միայն այդ ժամանակ մենք կարող ենք բոլոր բաներում երախտապարտ լինելու և Աստծո հանդեպ ապերախտ լինելուց խուսափելու հույս ունենալ:

Մենք պետք է աղոթքի մեջ խնդրենք, որ Աստված Մուրբ Հոգու զորությամբ օգնի մեզ պարզ տեսնել մեր օրհնությունները, նույնիսկ՝ մեր փորձությունների մեջ: Նա կարող է մեզ օգնել Հոգու զորությամբ նկատել և երախտապարտ լինել օրհնությունների համար, որոնք մենք արժանավույնս չենք գնահատում: Ամենաշատն ինձ օգնել է Աստծուն աղոթքով խնդրելը. «Խնդրում եմ, առաջնորդիր ինձ ինչ-որ մեկի մոտ, ում ես կարող եմ օգնել Քեզ համար»:

Աստծուն օգնելով օրհնել ուրիշներին, ես կարողացել եմ ավելի լավ տեսնել եմ իմ իսկ օրհնությունները:

Իմ աղոթքը մի անգամ պատասխանվեց, երբ մի գույգ, որին ես նախկինում չէի ճանաչում, ինձ հրավիրեց գնալ հիվանդանոց: Այնտեղ ես գտա մի փոքրիկ մանկիկի, որն այնքան փոքր էր, որ կարող էր տեղավորվել իմ ափի մեջ: Կյանքի ընդամենը մի քանի շաբաթների ընթացքում նա ունեցել էր բազմաթիվ վիրահատություններ: Բժիշկներն ասել էին ծնողներին, որ պետք է կատարել ավելի բարդ վիրահատություն, որպեսզի սիրտն ու թոքերը կյանք ապահովեն Աստծո այդ փոքրիկ զավակի մեջ:

Ծնողների խնդրանքով ես երեխային տվեցի քահանայության օրհնություն: Օրհնությունը ներառում էր կյանքի շարունակման խոստումը: Օրհնություն տալուց ավելի շատ ես ինքս ստացա ավելի երախտապարտ սիրտ ունենալու օրհնությունը:

Մեր Հոր օգնությամբ մենք բոլորս կարող ենք ընտրել զգալ ավելի մեծ երախտագիտություն: Մենք կարող ենք խնդրել Նրան օգնել մեզ ավելի պարզ տեսնել մեր օրհնությունները՝ ինչպիսին էլ որ լինեն մեր պայմանները: Ես այդ օրը առավել, քան երբեք, երախտապարտ էի իմ իսկ սրտի և թոքերի աշխատանքի հրաշքի համար: Տուն վերադառնալիս, ես շնորհակալություն էի հայտնում իմ երեխաների օրհնությունների համար, որ կարող էի ավելի պարզ տեսնել Աստծո և նրանց շուրջը լավ մարդկանց բաբության օրհնությունները:

Ամենաշատը ես երախտագիտություն զգացի Քավության վկայության համար, որ գործում էր այդ մտահոգ ծնողների և իմ կյանքում: Ես տեսա հույսը և Քրիստոսի մաքուր սերը, որ շողում էր նրանց դեմքի վրա նույնիսկ իրենց մեծ փորձության մեջ: Եվ ես զգացի վկայությունը, որ դուք կարող եք զգալ, եթե խնդրեք Աստծուն հայտնել ձեզ, որ Քավությունը կարող է ձեզ հնարավորություն տալ զգալ հույս և սեր:

Մենք բոլորս կարող ենք աղոթքով շնորհակալություն հայտնելու ընտրություն կատարել և խնդրել Աստծուց տալ Իր անունից ուրիշներին ծառայելու առաջնորդություն, հատկապես տարվա այս ժամանակահատվածում, երբ մենք տոնում ենք Փրկչի ծնունդը: Հայր Աստվածը տվեց Իր Որդուն, իսկ Հիսուս Քրիստոսը տվեց մեզ Քավությունը՝ բոլոր պարզներից մեծագույնը (տես ՎեՌԲ 14.7):

Աղոթքով շնորհակալություն հայտնելը կարող է

մեզ թույլ տալ տեսնել այս և մեր մնացած բոլոր օրհնությունների կարևորությունը և այդպիսով ստանալ ավելի երախտապարտ սիրտ ունենալու պարզև:

ՈՒՍՈՒՑԱՆՈՒՄ ԱՅՍ ՈՒՂԵՐՉԻՑ

Մեր փորձառություններն ու օրհնությունները գրի առնելը կարող է մեզ օգնել հիշել դրանք և տալ մի բան, որին կարող ենք կրկին անդրադառնալ հետագայում: Խնդրեք նրանց, ում սովորեցնում եք, գրել, թե ինչի համար են նրանք շնորհակալ, որ կարողացան հիշել օրհնությունները, որոնք ստացել են, տեսնել ներկայի օրհնությունները և ուրախությամբ սպասել ապագա օրհնություններին:

Դուք կարող եք նաև քաջալերել նրանց, ում սովորեցնում եք, հետևել Նախագահ Այրինգի օրհնակին՝ խնդրելով Երկնային Հորը առաջնորդել իրենց ինչ-որ մեկի մոտ, ում իրենք կարող են օգնել կամ ծառայել:

ԵՐԻՏԱՍԱՐԴՆԵՐ

Երախտագիտության քննություն հանձնել

Ջոն Հիլթոն III և Էնթոնի Սվիթ

Եկեք ոչ միայն խոսենք մեր օրհնությունները հաշվելու մասին, եկեք անենք դա: Գրեք 100 կետ պարունակող ցուցակ, որոնց համար դուք շնորհակալ եք: Եթե դա թվում է չափից շատ, փորձեք սա.

1. Գրեք 10 ֆիզիկական ունակություն, որոնց համար դուք երախտապարտ եք:
2. Գրեք 10 նյութական ունեցվածք, որոնց համար դուք երախտապարտ եք:
3. Գրեք 10 ապրող մարդկանց անուններ, որոնց համար դուք երախտապարտ եք:
4. Գրեք 10 մահացած մարդկանց անուններ, որոնց համար դուք երախտապարտ եք:
5. Գրեք բնության 10 ստեղծագործություններ, որոնց համար դուք երախտապարտ եք:
6. Գրեք 10 բան այսօրվա մասին, ինչի համար դուք երախտապարտ եք:
7. Գրեք 10 վայր երկրի վրա, որոնց համար դուք երախտապարտ եք:
8. Գրեք 10 ժամանակակից գյուտ, որոնց համար դուք երախտապարտ եք:

9. Գրեք 10 սննդամթերք, որոնց համար դուք
երախտապարտ եք:

10. Գրեք 10 կետ ավետարանի վերաբերյալ, որոնց
համար դուք երախտապարտ եք:

Երբ մենք կազմում ենք այսպիսի մի ցուցակ, մեր
համար պարզ է դառնում, որ 100 կետ պարու-
նակող ցուցակը ընդամենը սկիզբն է այն ամենի, որ
Աստված տվել է մեզ:



Գործունեության ընդարձակ ասպարեզ

Ուսումնասիրե՛ք այս նյութը և, ինչպես հարմար է, քննարկե՛ք այն քույրերի հետ, ում այցելում ե՛ք: Օգտագործե՛ք հարցերը, որոնք կօգնեն ձեզ ակրացնել ձեր քույրերին և դարձնել Սփոփող Միությունը ձեր իսկ կյանքի ակտիվ մասը:

Տերը, Նրա Եկեղեցին, ընտանիքները և համայնքները ունեն առաքինի կանանց կարիքը: Տասներկու Առաքյալների Քվորումից Երեց Մ. Ռասսել Բալլարդը սովորեցրել է, որ «յուրաքանչյուր քույր այս Եկեղեցում, ով ուխտեր է կապել Տիրոջ հետ, աստվածային հանձնարարագիր ունի՝ օգնելու փրկել հոգիներ, առաջնորդել աշխարհի կանանց, ամրացնել Միոնի տները և կառուցել Աստծո թագավորությունը»¹:

Որոշ քույրեր կարող են մտորել, թե արդյոք կարող են իրականացնել նման վեհ նպատակներ: Մակայն, ինչպես բացատրել է Էլիզա Ռ. Մնոուն (1804–87)՝ Սփոփող Միության երկրորդ գերագույն նախագահը. «Չկա մի քույր, որ մեկուսացված լինի, և նրա ասպարեզը շատ նեղ լինի, բայց այն, ինչ նա կարող է անել, մեծ նշանակություն ունի երկրի վրա Աստծո թագավորությունը հաստատելու համար»²: Քույր Մնոուն նաև ուսուցանել է, որ Սփոփող Միությունը կազմավորվել է «յուրաքանչյուր լավ ու ազնիվ գործի իրականացման համար»³:

Սփոփող Միությանը մասնակցելը մեծացնում է մեր ներգործության ասպարեզը՝ յուրաքանչյուր քրոջ հնարավորություններ տալով կառուցել հավատք, ամրացնել

ընտանիքներ ու տներ, և ծառայություն մատուցել տանը և ողջ աշխարհում: Եվ բարեբախտաբար, մեզանից՝ որպես անհատներ և որպես Սփոփող Միություններ, չեն պահանջվում չափազանց մեծ ջանքեր, սակայն դրանք պետք է լինեն կշռադատված և շարունակական: Առաքինի փորձառությունները, ինչպես օրինակ՝ ամենօրյա անձնական և ընտանեկան աղոթքը, ամենօրյա սուրբ գրությունների ուսումնասիրությունը և Եկեղեցու կոչումների շարունակական մեծարումը, կօգնի մեծացնել հավատքը և կառուցել Տիրոջ արքայությունը:

Քույրերին, ովքեր մտորում են, թե արդյոք այս արտաքուստ աննշան թվացող օժանդակությունները ինչ-որ բան են փոխում, Երեց Բալլարդը հավաստիացնում է. «Ամեն քույր, ով պաշտպան է կանգնում ճշմարտությանն ու արդարությանը, նվազեցնում է չարի ազդեցությունը: Յուրաքանչյուր քույր, ով ամրացնում և պաշտպանում է իր ընտանիքը, անում է Աստծո գործը: Յուրաքանչյուր քույր, ով ապրում է որպես աստվածային կին, փարոս է դառնում ուրիշների համար և առաքինի ներգործության սերմեր է ցանում, որոնք կհնձվեն գալիք ժամանակներում»⁴:

Մեր պատմությունից

Էլիզա Ռ. Մնոուն, ով ծառայել է որպես քարտուղար, երբ Սփոփող Միությունը կազմավորվեց Նավույում, կանչվեց Նախագահ Բրիգամ Յանգի (1801–77) կողմից՝ շրջելու Եկեղեցով մեկ՝ օգնելով եպիսկոպոսներին կազմավորել Սփոփող Միություններ իրենց ծխերում:

Քույր Մնոուն սովորեցրել է. «Եթե Միոնի դուստրերից ու մայրերից որևէ մեկը նվազագույն իսկ չափով իրեն սահմանափակված է զգում իր ներկայիս ասպարեզում, նրանք այժմ կգտնեն յուրաքանչյուր գործության և ունակության միանգամայն բավարար հնարավորություն, գործելով բարին, ինչով նրանք ամենաշատն են օժտված: . . . Նախագահ Յանգը պտտեցրել է բանալին գործունեության և օգտակար լինելու լայն ու ընդարձակ ասպարեզում»⁵:

ՀՐՈՒՄՆԵՐ

1. M. Russell Ballard, "Women of Righteousness," *Liahona*, Dec. 2002, 39.
2. Eliza R. Snow, "An Address," *Woman's Exponent*, Sept. 15, 1873, 62.
3. Eliza R. Snow, "Female Relief Society," *Deseret News*, Apr. 22, 1868, 81.
4. M. Russell Ballard, *Liahona*, Dec. 2002, 39.
5. Eliza R. Snow, *Deseret News*, Apr. 22, 1868, 81.

Սուրբ գրություններից

Ս Կորնթացիս ԺԲ.4–18,
Ս Տիմոթեոս Զ.18–19, Մոսիա 4.27, Հավատո Հանգանակ 1.13

Ի՞նչ կարող եմ ես անել:

1. Ինչպե՞ս կարող եմ օգնել քույրերին, որոնց ես այցելում եմ, ճանաչել և գործածել առաքինի ներգործություն ունենալու իրենց ունակությունը:

2. Ինչպե՞ս կարող եմ օգտագործել իմ եզակի պարգևներն ու տաղանդները ուրիշներին օրհնելու համար:

Լրացուցիչ տեղեկության համար, այցելեք www.reliefsociety.lds.org: